

ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE

IZVJEŠTAJ O IZVRŠENJU FINANSIJSKOG PLANA
ZAVODA ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE ZA 2020. GODINU (KONSOLIDOVANI)

Sarajevo, mart 2021. godine

SADRŽAJ

1. Uvod.....	1
2. Prihodi Federalnog zavoda osiguranja i reosiguranja	3
2.1. Prihodi od doprinosa.....	5
2.2. Prihodi iz Budžeta Federacije BiH	6
2.3. Ostali prihodi.....	6
3. Rashodi federalnog zavoda osiguranja i reosiguranja	7
3.1. Plate, naknade i doprinosi poslodavca	8
3.2. Izdaci za materijal i usluge.....	8
3.3. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja	11
3.4. Kapitalni izdaci.....	11
3.5. Tekuća rezerva	11
3.6. Obavezne rezerve za zdravstvenu zaštitu detaširanih radnika.....	11
4. Finansijski rezultat	12
5. Broj i struktura zaposlenih	12
6. Zaključak	12

1. Uvod

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) je sačinio Izvještaj o izvršenju Finansijskog plana Federalnog zavoda osiguranja i reosiguranja za 2020. godinu (konsolidovani) u skladu sa odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Zakona o izvršavanju Budžeta Federacije Bosne i Hercegovine za 2020. godinu („Službene novine Federacije Bosne i Hercegovine“, broj: 99/19, 28/20), Pravilnika o finansijskom izvještavanju i godišnjem obračunu budžeta-proračuna u Federaciji Bosne i Hercegovine („Službene novine Federacije Bosne i Hercegovine“, broj 69/14, 14/15, 4/16 i 19/18) i Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08 i 48/11).

U skladu sa Zakonom o zdravstvenom osiguranju i Statutom Federalnog zavoda, Federalni zavod, u okviru svoje registrovane djelatnosti, obavlja poslove:

- učešće u izradi Zakona u oblasti zdravstva, kao i drugih propisa i podzakonskih akata u vezi sa ostvarivanjem prava iz obaveznog zdravstvenog osiguranja;
- praćenje politike provođenja i unapređenja obaveznog zdravstvenog osiguranja i koordiniranje rada kantonalnih zavoda zdravstvenog osiguranja u tom domenu;
- donošenje plana rada Zavoda zdravstvenog osiguranja i reosiguranja Federacije BiH za 2020. godinu;
- donošenje Trogodišnjeg plana rada Zavoda zdravstvenog osiguranja i reosiguranja Federacije BiH, za period 2021-2023. godine;
- planiranje i prikupljanje sredstava federalnog fonda solidarnosti i realizacije programa zdravstvene zaštite koji se finansiraju sredstvima federalne solidarnosti, saglasno Odluci o vertikalnim programima;
- obezbjeđenje prava osiguranika u okviru federalnog fonda solidarnosti u cilju ujednačavanja prava osiguranih lica na nivou Federacije BiH kod provođenja određenih programa zdravstvene zaštite;
- izradu međunarodnih ugovora o socijalnom osiguranju u dijelu koji se odnosi na obavezno zdravstveno osiguranje i provodi ih;
- koordiniranje rada kantonalnih zavoda zdravstvenog osiguranja u provođenju ovih ugovora i neposredno učestvovanje u međunarodnim dogovorima vezanim za ovu oblast,
- obavljanje poslova u vezi sa ostvarivanjem zdravstvene zaštite u inostranstvu za koje je ovlašten u skladu sa Zakonom o zdravstvenom osiguranju;
- osiguranje vođenja jedinstvenog informacionog sistema obaveznog zdravstvenog osiguranja;
- prikupljanje, analizu podataka i izradu obračuna ukupnih sredstava ostvarenih i utrošenih u zdravstvu Federacije Bosne i Hercegovine;
- izradu cijena zdravstvenih usluga iz osnova obaveznog zdravstvenog osiguranja;
- kao i druge poslove koji se odnose na rad federalnog fonda solidarnosti, a proizilaze iz zakona i drugih propisa te podzakonskih akata.

U Izvještaju o izvršenju Finansijskog plana Federalnog zavoda prezentiraju se zbirni podaci o ukupno ostvarenim prihodima, po izvorima sredstava i rashodima po namjenama, te ostvarenom finansijskom rezultatu u 2020. godini.

Podaci o ostvarenim prihodima i izvršenim rashodima za 2020. godinu prikazuju se uporedno sa podacima planiranim po Finansijskom planu za 2020. godinu i ostvarenim u 2019. godini.

U nastavku se navode najznačajnije aktivnosti na osnovu kojih su, u 2020. godini, donesene odluke od strane Stručne službe Federalnog zavoda, Upravnog odbora Federalnog zavoda, Federalnog ministarstva zdravstva, a koje se odnose na rad i poslovanje Federalnog zavoda u 2020. godini.

Finansijski plan Federalnog zavoda za 2020. godinu i Odluka o privremenom finansiranju za period 01.01.-31.03.2020. godine

Upravni odbor Federalnog zavoda je blagovremeno, a u skladu sa Zakonom o budžetima u Federaciji BiH, usvojio Finansijski plan za 2020. godinu i na sjednici održanoj 08.10.2019. godine donio Odluku o usvajanju Finansijskog plana Federalnog zavoda za 2020. godinu, br.02/IV-01-1-3508-1/19 i Odluku o načinu izvršavanja Finansijskog plana Federalnog zavoda za 2020. godinu, br. 02/V-01-1-3509-1/19.

S obzirom da Vlada i Parlament Federacije BiH nisu razmatrali Finansijski plan Federalnog zavoda za 2020. godinu prije početka fiskalne 2020. godine, Upravni odbor je na sjednici od 11.12.2019. godine donio Odluku, br.02/V-01-1-4318/19, o privremenom finansiranju Federalnog zavoda za period 01.01.-31.03.2020. godine.

Na Finansijski plan Federalnog zavoda za 2020. godinu, Parlament Federacije BiH dao je saglasnost („Sl.novine Federacije BiH“, br. 99/19 od 31.12.2019. godine).

Rebalans Finansijskog plana Federalnog zavoda za 2020. godinu

Izbijanjem krize izazvane pandemijom Covid-19, Stručna služba Federalnog zavoda sačinila je prijedlog Izmjena i dopuna Finansijskog plana (Rebalans) za 2020. godinu koji je Upravni odbor Federalnog zavoda usvojio na sjednici održanoj 08.04.2020. godine donošenjem Odluke o usvajanju Izmjena i dopuna Finansijskog plana Federalnog zavoda (Rebalans) za 2020. godinu, br.02/IV-01-1-1201-1/20, i Odluke o načinu izvršavanja Rebalansa finansijskog plana Federalnog zavoda za 2020. godinu, br. 02/V-01-1-1189-1/20.

Rebalansom finansijskog plana za 2020. godinu prihodi od doprinosa iz obaveznog zdravstvenog osiguranja su smanjeni za 8 mil. KM. Također, su stavljena u potrošnju neutrošena sredstva iz ranijih perioda u ukupnom iznosu od 21,4 mil. KM.

Rebalansom finansijskog plana za 2020. godinu rashodi su povećani su za 13,4 mil. KM, a po osnovu uključivanja u finansiranje rashoda fonda solidarnosti akumuliranih sredstava iz ranijeg perioda. Pored navedenog, Rebalansom finansijskog plana za 2020. godinu planirana su i sredstva tekućih rezervi u iznosu od 5.000.000 KM.

Na Izmjene i dopune Finansijskog plana (Rebalans) Federalnog zavoda za 2020. godinu, Parlament Federacije BiH dao je saglasnost („Sl.novine Federacije BiH“, br. 28/20 od 07.05.2020. godine).

Odluka o preraspodjeli rashoda u okviru Finansijskog plana Federalnog zavoda za 2020. godinu, Odluka o korištenju sredstava tekuće rezerve za 2020. godinu, Odluka o unutarnjoj preraspodjeli sredstava u okviru Finansijskog plana Federalnog zavoda za 2020. godinu

U novembru 2020. godine izvršena je preraspodjela sredstava unutar planiranih sredstava za zdravstvene usluge. Upravni odbor Federalnog zavoda je na sjednici održanoj 30.11.2020. godine donio Odluku, br. 02/IV-01-1-3292-1/20, o preraspodjeli sredstava unutar pozicija rashoda za zdravstvenu zaštitu koja se finansiraju sredstvima fonda solidarnosti Federacije BiH za 2020. godinu, u ukupnom iznosu od 979.370 KM.

U tom smislu, izvršeno je smanjenje planiranih sredstava na:

- uslugama kardiologije i kardiohirurgije za 721.270 KM,
- uslugama transplantologije za 58.100 KM,
- lijekovima za liječenje oboljelih od hepatitisa B i C za 200.000 KM,

Povećanje sredstava je izvršeno na:

- uslugama ortopedije i traumatologije za 81.370 KM,
- uslugama vaskularne hirurgije za 660.000 KM,
- uslugama najsloženijih oblika zdravstvene zaštite iz oblasti urologije za 38.000 KM,
- na lijekovima za liječenje oboljelih od HIV/AIDS-a za 200.000 KM

Odlukom Upravnog odbora br. 02/IV-01-1-3291-1/20, o korištenju sredstava tekuće rezerve za 2020. godinu, sredstva tekuće rezerve su u cijelosti raspoređena za nabavku lijekova i potrošnog medicinskog materijala i to: potrošnog materijala za dijalizu u iznosu od 1,5 mil. KM i za nabavku lijekova u iznosu od 3,5 mil. KM

Odlukom br. 02/IV-01-1-3293-1/20, o unutarnjoj preraspodjeli sredstava u okviru Finansijskog plana za 2020. godinu izvršeno je umanjenjem pozicije rashoda 6139-ugovorene i druge posebne usluge za iznos od 10.000 KM, na ime povećanja pozicije kapitalni izdaci 8125 - ostala stalna sredstva u obliku prava, za isti iznos.

Federalno ministarstvo zdravstva je, na prijedlog Federalnog zavoda zdravstvenog osiguranja, dalo saglasnost, br. 01-33-1113/21 od 23.02.2021. godine, na Izmjene i dopune Programa zdravstvene zaštite koji se finansira sredstvima fonda solidarnosti Federacije BiH u dijelu koji se odnosi na Plan obima zdravstvenih usluga za 2020. godinu. Navedeni prijedlog Federalni zavod zdravstvenog osiguranja je sačinio na osnovu realizacije ugovora sa zdravstvenim ustanovama sa kojima su potpisani ugovori za usluge iz programa Federalnog fonda solidarnosti za 2020. godinu, i kod kojih je zabilježeno prekoračenje ugovorenog obima i to kod programa kardiologije i kardiohirurgije, vaskularne hirurgije i visokodozne terapije radioaktivnim jodom J-132.

2. Prihodi Federalnog zavoda osiguranja i reosiguranja

Ukupni prihodi Federalnog zavoda u 2020. godini ostvareni su u iznosu od 183.349.969 KM i veći su za 4% ili 7,7 mil. KM u odnosu na planirane, a u odnosu na ostvarene u 2019. godini manji su za 1,7% ili 3.195.508 KM.

Prihodi su ostvareni iz slijedećih izvora:

- doprinosa za obavezno zdravstveno osiguranje osiguranih lica u Federaciji BiH;
- doprinosa za zdravstvenu zaštitu ino-osiguranika (paušali);
- dodatnog doprinosa za zdravstvenu zaštitu detaširanih radnika;
- sredstava iz Budžeta Federacije BiH;
- ostalih prihoda.

Pregled prihoda po izvorima sredstava ostvarenih u 2019. godini, planiranih i ostvarenih u 2020. godini dat je u Tabeli 1.

Tabela 1.

R. br.	Stavka	Ostvareno 2019.	Plan 2020.	Ostvareno 2020.	Ind (5/3)	Ind (5/4)
1	2	3	4	5	6	7
	Doprinos za socijalnu zaštitu	154.695.929	145.100.000	152.183.999	98	105
1.	Prihodi od doprinosa	154.695.929	145.100.000	152.183.999	98	105
1.1.	Prihodi od doprinosa za obavezno zdravstveno osiguranje u FBiH	149.056.882	141.000.000	147.942.813	99	105
1.2.	Prihodi od doprinosa od ino osiguranika (paušali)	4.391.207	3.000.000	3.579.273	82	119
1.3.	Prihodi od dodatnog doprinosa za detaširane radnike	1.247.840	1.100.000	661.913	53	60
	Prihodi od poduzetničkih aktivnosti, imovine i pozitivnih kursnih razlika	999.073	6.000	548.857	55	
2.	Ostali prihodi od imovine	999.073	6.000	548.857	55	
2.1.	Prihodi od naplate napitaka u čajnoj kuhinji zavoda	2.328	6.000	1.892	81	32
2.2.	Ostali prihodi	996.745		546.965	55	
	Naknade i pristojbe i prihodi od pružanja javnih usluga	282.729	14.000	316.156	112	
3.	Neplanirani prihodi	282.729	14.000	316.156	112	
3.1.	Uplate po osnovu refundacije bolovanja iz ranijih godina	3.010				
3.2.	Ostali neplanirani prihodi		14.000			
3.3.	Prihodi po osnovu pruženih usluga dijalize ino-osiguranicima	197.498		151.854	77	
3.4.	Prihodi od garancija	1.481		55.492		
3.5.	Prihodi od manjkova lijekova u zdravstvenim ustanovama	80.740		80.174	99	
3.6.	Prihodi od detašmana za Stručnu službu			28.636		
	Primljeni tekući transferi od ostalih nivoa vlasti	30.500.000	30.500.000	30.089.746	99	99
4.	Prihodi iz Budžeta Federacije BiH	30.500.000	30.500.000	30.089.746	99	99
4.1.	Primljeni tekući transferi od Budžeta FBiH za fond solidarnosti	28.500.000	28.500.000	28.500.000	100	100
4.2.	Primljeni tekući transferi od Budžeta FBiH za liječenje povratnika u RS	2.000.000	2.000.000	1.589.746	99	99
5.	Donacije	765.365		211.212	28	
5.1.	Donacije-lijekovi	765.365		211.212	28	
	Ukupno prihodi	187.243.096	175.620.000	183.349.969	98	104
	Izdvojena sredstva iz detašmana za sredstva rezervi detašmana	124.784	110.000	94.454	76	86
	Povrat ili pretplata sredstava detašmana	572.836		214.293	37	
	Ukupno raspoloživi prihodi	186.545.476	175.510.000	183.349.969	37	104
	IZDVOJENA SREDSTVA NA TERET IZVORA SREDSTAVA PO ODLUKAMA U.O.	6.921.631	21.400.000	3.400.392	49	16
	UKUPNO RASPOLOŽIVA SREDSTVA	193.467.107	196.910.000	186.750.362	67	95

U nastavku izvještaja data su kratka obrazloženja za prihode Federalnog zavoda ostvarene u periodu I-XII 2020 godine.

2.1. Prihodi od doprinosa

Prihode od doprinosa čine:

- prihodi od doprinosa za obavezno zdravstveno osiguranje u Federaciji BiH,
- prihodi od doprinosa od ino osiguranika (paušali),
- prihodi od posebnog dodatnog doprinosa za zdravstveno osiguranje detaširanih radnika u inostranstvu.

U periodu I-XII 2020. godine ukupno ostvareni prihodi od doprinosa iznosili su 152.183.999 KM. Ovi prihodi sastoje se od:

- prihoda po osnovu doprinosa za obavezno zdravstveno osiguranje u Federaciji BiH, u iznosu od 147.942.813 KM. U ovaj iznos su uključene subvencije doprinosa u iznosu od 3.687.951 KM koje je Federalnom zavodu uplatilo Federalno ministarstvo finansija po osnovu Zakona o ublažavanju negativnih ekonomskih posljedica („Sl. novine Federacije BiH“, br. 28/20),
- prihoda od doprinosa ino osiguranika (paušali), po međunarodnim konvencijama, u iznosu od 3.579.273 KM, i
- prihoda od dodatnog doprinosa za detaširane radnike u iznosu od 661.913 KM.

Ukupno ostvareni prihodi od doprinosa u 2020. godini veći su za 5% ili 7,08 mil. KM od planiranih u 2020. godini, a u odnosu na ostvarene u 2019. godinu manji su za 2% ili 2,5 mil. KM.

Iako su Rebalansom Finansijskom plana za 2020. godinu prihodi od doprinosa za obavezno zdravstveno osiguranje smanjeni za 8 mil. KM zbog očekivanih smanjenja privrednih aktivnosti u Federaciji BiH usljed pandemije Covid-19, ovi prihodi su ipak za 7,08 mil. KM ili 5% više ostvareni u odnosu na planirane po Rebalansu finansijskog plana za 2020. godinu iz razloga što je Vlada Federacije BiH u toku 2020. godine izvršila uplatu doprinosa za zdravstveno osiguranje za poslodavce koji su ostvarili pravo na subvenciju po tom osnovu saglasno odredbama Zakona o ublažavanju posljedica pandemije.

Trend povećanja prihoda od doprinosa za obavezno zdravstveno osiguranje u Federaciji BiH iz perioda 2015.-2019. godina nije nastavljen u 2020. godini usljed epidemije virusa korona.

Prihodi od doprinosa ino-osiguranika (paušali) u 2020. godini ostvareni su u iznosu od 3.579.273 KM i veći su za 579.273 KM u odnosu na planirane za 2020. godinu. Povećanje ovih prihoda u odnosu na planirane za 2020. godinu nastalo je zbog uplate R Slovenije i R Hrvatske, izvršene u mjesecu decembru 2020. godine, po osnovu Konvencija o socijalnom osiguranju a što se nije moglo predvidjeti prilikom izrade Rebalansa finansijskog plana za 2020. godinu na koji je, od Parlamenta Federacije BiH, data saglasnost u mjesecu maju 2020. godine („Sl.novine Federacije BiH“, br. 28/20 od 07.05.2020. godine).

Prihodi od doprinosa za zdravstvenu zaštitu radnika na privremenom radu u inostranstvu (u daljem tekstu: detaširani radnici) u 2020. godini ostvareni su u iznosu od 661.913 KM i manji su za 438.087 KM ili 40% u odnosu na planirane za 2020. godinu, a u odnosu na ostvarene u 2019. godini manji su za 585.928 KM ili 47%.

Smanjenje ovih prihoda u odnosu na planirane nastalo je usljed stupanja na snagu Odluke Vlade Federacije BiH, V. broj 470/2020 od 26.03.2020. godine o izmjenama Odluke o utvrđivanju posebnog doprinosa za zdravstveno osiguranje zaposlenika na radu u inostranstvu kojom su smanjenje stope doprinosa koje plaća poslodavac za vrijeme boravka zaposlenika na radu u inostranstvu, kao i zbog manjeg broja upućivanja radnika na rad u inozemstvo u 2020. u odnosu na 2019. godinu usljed epidemije virusa korona.

2.2. Prihodi iz Budžeta Federacije BiH

Doznačena sredstva po osnovu transfera iz Budžeta Federacije BiH u 2020. godini su iznosila 30.089.746 KM, od čega:

- za federalni fond solidarnosti 28.500.000 KM što je u visini planiranih za 2020. godinu
- za liječenje povratnika iz Federacije BiH u R Srpsku od 2.000.000 KM što je u visini planiranih za 2020. godinu.

Za liječenje povratnika u R Srpsku u 2020. godini je utrošeno 1.589.746 KM i u ovoj visini su oprihodovana ova sredstva. Neutrošena sredstva ovog namjenskog transfera u 2020. godini u iznosu od 410.254 KM će se na osnovu Odluke Upravnog odbora o usvajanju Godišnjeg obračuna Federalnog zavoda za 2020. godinu, br.02/V-01-1-609-1/21 od 24.02.2021. godine, rasporediti po Rebalansu finansijskog plana za 2021. godinu namjenski za liječenje povratnika u R Srpsku.

U vezi ostvarenja prihoda iz Budžeta Federacije BiH, međutim, potrebno je naglasiti da su ovi prihodi u 2020. godini, kao i u prethodnim godinama, koji se odnose na sredstva tekućih transfera, znatno manji od iznosa sredstava koja bi se po Zakonu o zdravstvenom osiguranju trebala izdvajati za federalni fond solidarnosti. Zakonom o zdravstvenom osiguranju propisana je obaveza da se iz Budžeta Federacije BiH za federalni fond solidarnosti izdvajaju sredstva u visini sredstava koja se ostvaruju iz doprinosa za obavezno zdravstveno osiguranje. Saglasno ovoj zakonskoj odredbi, iz Budžeta Federacije BiH bi u 2020. godini trebalo izdvojiti za federalni fond solidarnosti sredstva u iznosu od cca 147,9 miliona KM, dakle, u visini prihoda ostvarenih od doprinosa za obavezno zdravstveno osiguranje u Federaciji BiH, a Budžetom Federacije BiH za federalni fond solidarnosti u 2020. godini odobreno je tek 20,33% od zakonom propisanog iznosa.

2.3. Ostali prihodi

Ostali prihodi ostvareni su u ukupnom iznosu od 1.076.225 KM, i sastoje se od:

-ostalih prihoda od imovine u iznosu od 548.857 KM, od čega se 546.965 KM odnosi na odobreni finansijski rabat od strane dobavljača-isporučioća lijekova (lijekovi za liječenje oboljelih od multiple skleroze, lijekova za liječenje tuberkuloze i melanom), a iznos od 1.892 KM se odnosi na prihod po osnovu rada čajne kuhinje u Federalnom zavodu,

-naknada i pristojbi i prihoda od pružanja javnih usluga u iznosu od 316.156 KM, od čega se 151.854 KM odnosi na prihode na izvršene usluge dijalize ino osiguranicima, od naplaćene garancije po osnovu neizvršenja ugovora od strane dobavljača-isporučioća lijekova u iznosu od 55.492 KM, te naplaćenih sredstava od zdravstvenih ustanova za iskazane manjkove lijekova po popisu na dan 31.12.2020. godine, u iznosu od 80.174 KM, i prihoda od detašmana za Stručnu službu u iznosu od 28.636 KM,

-prihodi od donacija u iznosu od 211.212 KM a odnose se na donacije lijekova od strane dobavljača-isporučioća lijekova, i to citostatika u iznosu od 86.263 KM, lijekova za liječenje oboljelih od Hepatitisa B i C u iznosu od 968 KM i lijekova za liječenje oboljelih od multiple skleroze u iznosu od 123.981 KM.

3. Rashodi Federalnog zavoda osiguranja i reosiguranja

Ukupni rashodi Federalnog zavoda u 2020. godini iznosili su 186.750.362 KM i manji su u odnosu na planirane za 2020. godinu za 5% ili 9,9 mil. KM, a posmatrano u odnosu na 2019. godinu manji su za 3% ili 6,7 mil. KM.

Izvršenje finansijskog plana rashoda iskazano je po namjenama, prema ekonomskoj klasifikaciji propisanoj Kontnim planom za budžetske korisnike, a koji se primjenjuje i na vanbudžetske fondove. Rashodi Federalnog zavoda iskazani su zbirno u Tabeli 2 koja slijedi.

Tabela 2.

Konto	Stavka	Ostvareno 2019.	Plan 2020.	Ostvareno 2020.	Ind (5/3)	Ind (5/4)
1	2	3	4	5	6	7
	Plate naknade i troškovi zaposlenih	2.026.568	2.325.000	2.184.802	108	94
6111	Bruto plaće i naknade plate	1.865.694	2.115.000	2.016.100	108	95
6112	Naknade troškova zaposlenih	160.874	210.000	168.702	105	80
	Doprinosi poslodavca i ostali doprinosi	201.047	232.000	210.645	105	91
6121	Doprinosi poslodavca	201.047	232.000	210.645	105	91
	Izdaci za materijal i usluge	191.239.492	194.126.000	184.354.915	96	95
6131	Putni troškovi	42.747	20.000	12.535	29	63
6132	Izdaci za energiju	41.838	47.000	43.043	103	92
6133	Izdaci za komunikaciju i komunalne usluge	74.232	80.000	69.749	94	87
6134	Nabavka materijala i sitnog inventara	100.931.184	108.915.000	105.932.728	105	97
	Administrativni materijal	35.636	63.000	47.043	132	75
	Medicinski potrošni materijal	16.678.052	18.500.000	17.802.085	107	96
	Lijekovi	84.217.496	90.352.000	88.083.600	105	97
6135	Izdaci za usluge prijevoza i gorivo	1.752.574	1.812.000	1.764.888	101	97
61351	Usluge prijevoza, registracija i gorivo Str.sluzbe	8.936	12.000	7.486	84	62
61352	Prijevoz na hemodijalizu	1.743.638	1.800.000	1.757.402	101	98
6137	Izdaci za tekuće održavanje	18.923	44.100	35.492	188	80
6138	Izdaci osiguranja, bankarskih usluga i usluga platnog prometa	38.145	109.000	62.395	164	57
6139	Ugovorene i druge posebne usluge	88.339.849	83.098.900	76.434.085	87	92
	Izdaci za stručnu službu	188.498	255.900	187.919	100	73
	Ostale nespomenute usluge i dadžbine	168.891	332.000	231.140	137	70
	Zdravstvene usluge u Federaciji BiH	71.332.527	67.054.000	61.904.158	87	92
	Usluge liječenja u inostranstvu	15.362.513	14.000.000	12.952.074	84	93
	Usluge liječenja detaširanih radnika	512.785	957.000	661.913	129	69
	Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz ob.zdr.osiguranja	774.636	500.000	496.881	64	99
	UKUPNO TEKUĆI RASHODI	193.467.107	196.683.000	186.750.362	97	95
	Kapitalni izdaci	19.365	227.000	115.885		51
	UKUPNO RASHODI, KAP.ULAGANJA I TEKUĆA REZERVA	193.486.472	196.910.000	186.866.247	97	95
	FINANSIJSKI REZULTAT	-6.921.631	0	-3.400.392	49	
	POKRIVENO NA TERET IZVORA SREDSTAVA PO ODLUKAMA U.O.	6.921.631		3.400.392	49	

U nastavku izvještaja daju se kratka obrazloženja za rashode Federalnog zavoda osiguranja i reosiguranja izvršene u periodu I-XII 2020. godine.

3.1. Plate, naknade i doprinosi poslodavca

Bruto plaće i naknade zaposlenih

Troškovi bruto plaća i naknada (neto plaća, porez na plaću, doprinosi iz plaće zaposlenog) u Stručnoj službi, u 2020. godini iznosili su ukupno 2.016.100 KM i manji su od planiranih za 5% ili 98.900 KM.

Rebalansom finansijskog plana za 2020. godinu nije bio planiran prijem novih uposlenika.

Naknade troškova zaposlenih

Naknade troškova zaposlenih u 2020. godini iznosile su ukupno 168.702 KM i manje su za 20% ili 41.298 KM od planiranih za 2020. godinu jer su pojedini uposlenici su bili na bolovanju zbog čega su, u odnosu na planirane za 2020. godinu, manje isplaćene naknade za topli obrok.

Doprinosi poslodavca i ostali doprinosi

Doprinosi poslodavca i ostali doprinosi u 2020. godini su iznosili 210.645 KM i manji su od planiranih za 9% ili 21.355 KM.

3.2. Izdaci za materijal i usluge

Putni troškovi

Izdaci za putne troškove u 2020. godini iznosili su 12.535 KM i manji su za 37% ili 7.465 KM u odnosu na planirane za 2020. godinu zbog epidemije virusa korona što je uzrokovalo manji broj službenih putovanja u zemlji i inostranstvu.

Izdaci za energiju u koje spadaju troškovi električne energije i grijanja, u 2020. godini iznosili su 43.043 KM i manji su za 3.957 KM ili 8% u odnosu na planirane za 2020. godinu.

Izdaci za komunikaciju i komunalne usluge se odnose na izdatke za vodu, odvoz smeća, održavanje čistoće, PTT usluge, izdatke za telefon, telefax, telex, internet i mobilni telefon. Ovi izdaci u 2020. godini iznosili su 69.749 KM i manji su za 13% ili 10.251 KM od planiranih za 2020. godinu.

Nabavka materijala

Izdaci za nabavku materijala evidentirani na kontu 613400 obuhvataju izdatke za nabavku:

- administrativnog materijala,
- medicinskog materijala i
- lijekova.

Troškovi nabavke administrativnog materijala u 2020. godini iznosili su 47.043 KM i manji su za 15.957 KM ili 25% u odnosu na planirane. Ovi troškovi obuhvataju troškove kancelarijskog materijala, ostale troškove potrošnog materijala, vezane za rad Stručne službe.

Troškovi medicinskog materijala u 2020. godini iznosili su 17.802.085 KM i manji su za 4% ili 697.915 KM od planiranih za 2020. godinu. Ovi troškovi obuhvataju troškove potrošnog dijaliznog materijala u iznosu od 17.335.083 KM i troškove aparata i trakica za kontrolu šećera u krvi kod djece i insulinske pumpe u iznosu od 467.002 KM. Ovi rashodi su iskazani

u okviru rashoda federalnog fonda solidarnosti u dijelu koji se odnosi na lijekove i medicinska sredstva.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2020. godinu (Anex I).

Troškovi lijekova u 2020. godini iznosili su 88.083.600 KM i manji su za 3% ili 2,2 mil. KM u odnosu na planirane za 2020. godinu, a u odnosu na izvršene u 2019. godini veći su za 5% ili 3,8 mil. KM. Ovi troškovi obuhvataju sve lijekove iz programa federalnog fonda solidarnosti, a saglasno Programu zdravstvene zaštite koji se finansira sredstvima federalnog fonda solidarnosti. Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2020. godinu (Anex I).

Izdaci za usluge prijevoza i gorivo

Izdaci za usluge prijevoza i gorivo u 2020. godini iznosili su 1.764.888 KM i manji su za 3% ili 47.112 KM od planiranih za 2020. godinu zbog manjeg izvršenja izdataka za prijevoz pacijenata na dijalizu. Ovi izdaci se odnose na:

-izdatke za nabavku goriva za službene automobile u iznosu od 7.486 KM što je za 38% ili 4.514 KM manje od planiranih, i

-izdatke za prijevoz pacijenata na dijalizu u iznosu od 1.757.402 KM što je za 2% ili 42.598 KM manje od planiranih.

Izdaci za prijevoz pacijenata na dijalizu iskazani su u okviru rashoda federalnog fonda solidarnosti u dijelu koji se odnosi na pružanje zdravstvenih usluga u Federaciji BiH, a što je detaljnije obrazloženo u Izvještaju o izvršenju finansijskog plana federalnog fonda solidarnosti za 2020. godinu (Anex I).

Tekuće održavanje

Izdaci za tekuće održavanje u 2020. godini iznosili su 35.492 KM i manji su za 8.608 KM u odnosu na planirane za 2020. godinu.

Osiguranje i bankarske usluge

Ukupni troškovi osiguranja i bankarskih usluga u 2020. godini su iznosili 62.395 KM i manji su za 43% ili 46.605 KM u odnosu na planirane za 2020. godinu.

Saglasno Odluci o kriterijima i načinu korištenja sredstava federalnog fonda solidarnosti, iznos od 34.034 KM raspoređen je na ostale rashode u funkciji provođenja programa federalnog fonda solidarnosti, s obzirom da se najveći dio platnog prometa preko banaka vrši sredstvima federalnog fonda solidarnosti.

Izdaci osiguranja i bankarske usluge u 2020. godini iznosili su 28.361 KM, od čega se na troškove bankarskih usluga odnosi 22.689 KM, a preostali iznos od 5.672 KM na troškove osiguranja zaposlenih i vozila. Izdaci za osiguranje i bankarske usluge su manji od planiranih za 2020. godinu za 28.361 KM zbog manjeg izvršenja troškova bankarskih usluga kao i troškova osiguranja vozila i zaposlenih u odnosu na planirane.

Ugovorene i druge posebne usluge

Izdaci za ugovorene i druge posebne usluge u 2020. godini iznosili su ukupno 76.434.085 KM i manji su za 8% ili 6,6 mil. KM u odnosu na planirane za 2020. godinu, a u odnosu na izvršene u 2019. godini manji su za 13% ili 11,9 mil. KM. Ovi izdaci obuhvataju:

- izdatke za Stručnu službu,
- ostale nespomenute usluge i dažbine i
- zdravstvene usluge (u Federaciji BiH, usluge liječenja u inostranstvu, te usluge liječenja detaširanih radnika)
- sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja

Izdaci vezani za rad Stručne službe u 2020. godini iznosili su 187.919 KM i manji su za 27% ili 67.981 KM od planiranih za 2020. godinu zbog, najvećim dijelom, nerealizacije projekta izrade Tarife u iznosu od 40.000 KM, zatim zbog preraspodjele sredstava u iznosu od 10.000 KM za izradu projektnog zadatka za izradu softvera za praćenje zahtjeva i troškova liječenja u inostranstvu (Odluka Upravnog odbora Federalnog zavoda osiguranja i reosiguranja, br. 02/IV-01-1-3293-2/2020 od 30.11.2020. godine), te zbog manjeg izvršenja troškova reprezentacije za 2.858 KM i manjeg izvršenja troškova sistematskih pregleda zaposlenih za 2.720 KM.

Izdaci vezani za rad Stručne službe odnose se na usluge obezbjeđenja i zaštite poslovne zgrade Federalnog zavoda osiguranja i reosiguranja, advokatske i ostale usluge, reprezentaciju, sistematske preglede zaposlenih, naknade članovima Upravnog odbora i dr. Naknade su isplaćivane saglasno Odluci Vlade Federacije BiH, o visini naknade za rad predsjednika i članova upravnih i nadzornih odbora zdravstvenih ustanova u vlasništvu Federacije BiH, odnosno jednog ili više kantona i Federacije BiH, zajedno. Navedenom odlukom visina naknada za predsjednika i članove upravnog odbora je limitirana na iznos od prosječne plaće Federacije BiH za predsjednika i 80% od prosječne plaće Federacije BiH za članove upravnog odbora, a isplata se vrši samo za one mjesece u kojima predsjednik i članovi Upravnog odbora učestvuju u radu Upravnog odbora.

Izdaci za ostale nespomenute usluge i dažbine odnose se na ostale troškove u funkciji provođenja programa federalnog fonda solidarnosti, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02). Troškovi ovih usluga u 2020. godini iznosili su 231.140 KM i manji su za 30% ili 100.860 KM od planiranih za 2020. godinu zbog, najvećim dijelom, manjeg izvršenja troškova komisija i to za 80.406 KM u odnosu na planirane.

Troškovi zdravstvenih usluga u 2020. godini iznosili su 75.518.145 KM i odnose se na:

- zdravstvene usluge pružene u zdravstvenim ustanovama u Federaciji BiH u iznosu od 61.904.158 KM,
- zdravstvene usluge bolničkog liječenja u inostranstvu u skladu sa Pravilnikom o uslovima i postupku upućivanja osiguranih lica na liječenje u inostranstvo, u iznosu od 12.952.074 KM,
- zdravstvenu zaštitu detaširanih radnika, u iznosu od 661.913 KM.

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Izvještaju o izvršenju finansijskog plana federalnog fonda solidarnosti za 2020. godinu (Anex I).

3.3. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja

Pravilnikom o načinu ostvarivanja prava iz obaveznog zdravstvenog osiguranja („Sl.novine Federacije BiH“, br.20/19) utvrđuju se uslovi pod kojim osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja. Po ovom osnovu je u okviru Finansijskog plana zavoda zdravstvenog osiguranja i reosiguranja za 2020. godinu, planirano 500.000 KM, a u periodu I-XII 2020. godine izvršeno je troškova u ukupnom iznosu od 496.881 KM.

Detaljnija obrazloženja data su u Izvještaju o izvršenju Finansijskog plana federalnog fonda solidarnosti za 2020. godinu (Anex I).

3.4. Kapitalni izdaci

U skladu sa Planom javnih nabavki i Rebalansom finansijskog plana za 2020. godinu planirana su kapitalna ulaganja, na teret izvora sredstava, u iznosu od 115.885 KM što je za 111.115 KM manje od planiranih za 2020. godinu.

Upravni odbor Federalnog zavoda je krajem 2020. godine donio Odluku o unutarnjoj preraspodjeli sredstava u okviru Finansijskog plana za 2020. godinu kojom se odobrava preraspodjela sredstava u iznosu od 10.000 KM kojom se pozicija rashoda sa konta 6139-Ugovorene i druge posebne usluge umanjuje za iznos od 10.000 KM, a na ime povećanja, za isti iznos, pozicije kapitalni izdaci konto 8215 - ostala stalna sredstva u obliku prava.

Za kapitalna ulaganja u 2020. godini utrošena su sredstva u iznosu od 115.885 KM.

Struktura kapitalnih ulaganja je slijedeća:

- nabavka kompjuterske opreme u iznosu od 23.034 KM,
- nabavka namještaja u iznosu od 1.693 KM
- ostala stalna sredstva u obliku prava u iznosu od 63.014 KM, i
- rekonstrukcija unutrašnjih dijelova zgrade u iznosu od 28.144 KM.

3.5. Tekuća rezerva

Rebalansom finansijskog plana za 2020. godinu planirana je tekuća rezerva u ukupnom iznosu od 5.000.000 KM. Ista je formirana na teret doprinosa za obavezno zdravstveno osiguranje u Federaciji BiH, a njeno trošenje je definisano u skladu sa Odlukom o načinu izvršavanja Finansijskog plana za 2020. godinu.

Odlukom Upravnog odbora Federalnog zavoda o korištenju sredstava tekuće rezerve rashoda za 2020. godinu, br.02/IV-01-1-3291-1/20 od 30.11.2020. godine, iznos tekuće rezerve planiran Rebalansom finansijskog plana za 2020. godinu u ukupnom iznosu od 5 mil. KM raspodijeljen je za nabavku potrošnog materijala za dijalizu u iznosu od 1,5 mil. KM, i za nabavku lijekova u iznosu od 3,5 mil. KM, od čega citostatika u iznosu od 1,4 mil. KM, lijekova za dijalizu u iznosu od 600.000 KM, lijekova za liječenje oboljelih od hemofilije u iznosu od 1,4 mil. KM, i lijekova za liječenja od HIV/AIDS u iznosu od 100.000 KM.

3.6. Obavezne rezerve za zdravstvenu zaštitu detaširanih radnika

U skladu sa Odlukom o utvrđivanju posebnog doprinosa za zdravstveno osiguranje zaposlenika na radu u inostranstvu (odluka Vlade Federacije BiH V.broj 470/2020 od 26.03.2020. godine) u rezerve za zdravstvenu zaštitu detaširanih radnika iz ukupnog iznosa naplaćenih sredstava od doprinosa za zdravstvenu zaštitu detaširanih radnika izdvojeno je 10% ili 95.454 KM, po odluci Upravnog odbora br. 01/II-01-1-316/20 od 29.01.2020. godine.

4. Finansijski rezultat

Federalni zavod osiguranja i reosiguranja u 2020. godini je iskazao višak rashoda nad prihodima u iznosu od 3.400.392 KM. Odlukama Upravnog odbora Federalnog zavoda uvrštena su u Rebalans finansijskog plana Federalnog zavoda za 2020. godinu dodatna sredstva iz ostvarenog viška prihoda nad rashodima iz ranijih perioda u ukupnom iznosu od 21.400.000 KM. Ovim sredstvima u iznosu od 3.400.392 KM pokriven je iskazani višak rashoda nad prihodima po Godišnjem obračunu za 2020. godinu.

Neurošena sredstva viška prihoda nad rashodima iz ranijih perioda, nakon pokrivanja iskazanog viška rashoda nad prihodima po Godišnjem obračunu za 2020. godinu, iznose 17.999.608 KM. Ova sredstva će se kroz Rebalans finansijskog plana za 2021. godinu rasporediti na programe federalnog fonda solidarnosti na osnovu odluke Upravnog odbora Federalnog zavoda.

5. Broj i struktura zaposlenih

Ukupan broj zaposlenih u Federalnom zavodu osiguranja i reosiguranja zaključno sa 31.12.2020. godine bio je 51.

U narednoj tabeli dat je pregled zaposlenih prema kvalifikacionoj strukturi.

Stručna sprema	Broj zaposlenih na dan 31.12.2019.g.	Broj zaposlenih na dan 31.12.2020.g.
VSS	28	29
VŠS	2	2
SSS	16	16
VKV	1	1
KV	3	3
Ukupno	50	51

6. Zaključak

U 2020. godini uslovi za poslovanje Federalnog zavoda su bili značajno otežani zbog pandemije Covid-19, naročito u dijelu rada komisija za odobravanje liječenja i vršenje redovnog godišnjeg popisa zaliha. Rad Zavoda se prilagođavao trenutnoj situaciji uz poštovanje svih propisanih epidemioloških mjera, te su sve planirane aktivnosti završavane blagovremeno. U toku 2020. godine poslovanje Federalnog zavoda karakterišu slijedeće aktivnosti i dokumenti:

1. Upravni odbor Federalnog zavoda je blagovremeno, u skladu sa Zakonom o budžetima u Federaciji BiH, usvojio Finansijski plan Federalnog zavoda za 2020. godinu.

S obzirom da nije bilo izvjesno da li će Finansijski plan Federalnog zavoda za 2020. godinu biti usvojen od strane zakonodavnih organa do kraja 2020. godine, Upravni odbor Federalnog zavoda je na sjednici od 11.12.2019. godine donio Odluku o privremenom finansiranju Federalnog zavoda za period 01.01.-31.03.2020. godine.

Na Finansijski plan Federalnog zavoda za 2020. godinu, Parlament Federacije BiH dao je saglasnost („Sl.novine Federacije BiH“, br. 99/19 od 31.12.2019. godine).

2. U mjesecu aprilu 2020. godine, sačinjene su Izmjene i dopune Finansijskog plana za 2020. godinu (Rebalans). Izradi ovog dokumenta se pristupilo zbog uključivanja, pored planiranih prihoda za 2020. godinu, sredstava akumuliranog viška prihoda nad rashodima iz ranijih perioda u iznosu od 21.400.000 KM u cilju finansiranja zdravstvenih usluga, lijekova i potrošnog medicinskog materijala i kapitalnih izdataka u 2020. godini.

Pored toga, prihodi od doprinosa za obavezno zdravstveno osiguranje su smanjeni za 8 mil. KM usljed aktuelnih okolnosti vezanih za epidemiju virusa korona.

Na Izmjene i dopune Finansijskog plana (Rebalans) Federalnog zavoda za 2020. godinu, Parlament Federacije BiH dao je saglasnost („Sl.novine Federacije BiH“, br. 28/20 od 07.05.2020. godine).

3. Upravni odbor Federalnog zavoda je dana 30.11.2020. godine, donio:

-odluku o preraspodjeli sredstava unutar pozicija rashoda za zdravstvenu zaštitu koja se finansira sredstvima fonda solidarnosti Federacije BiH za 2020. godinu, u ukupnom iznosu od 979.370 KM,

-odluku o korištenju sredstava tekuće rezerve za 2020. godinu u iznosu od 5 mil. KM,

-odluku o unutarnjoj preraspodjeli sredstava u okviru Finansijskog plana za 2020. godinu, u iznosu od 10.000 KM.

4. Ukupni prihodi Federalnog zavoda u 2020. godini iznosili su 183.349.969 KM i veći su za 4% ili 7,7 mil. KM u odnosu na planirane za 2020. godinu, a u odnosu na ostvarene u 2019. godini manji su za 2% ili 3,8 mil. KM.

Struktura prihoda Federalnog zavoda ostvarenih u 2020. godini je slijedeća:

- Prihodi od doprinosa za obavezno zdravstveno osiguranje u Federaciji BiH ostvareni su u iznosu od 147.942.813 KM i veći su za 5% ili 6,9 mil. KM u odnosu na planirane za 2020. godinu, a u odnosu na ostvarene u 2019. godini manji su za 1% ili 1,1 mil. KM. U ove prihode uključeni su subvencije doprinosa za obavezno zdravstveno osiguranje koje je u toku 2020. godine Federalno ministarstvo finansija uplatilo Federalnom zavodu zdravstvenog osiguranja u iznosu od 3.687.951 KM a po osnovu Zakona o ublažavanju negativnih ekonomskih posljedica („Sl. novine Federacije BiH“, br. 28/20). Prihodi od doprinosa za obavezno zdravstveno osiguranje u Federaciji BiH ostvareni u 2020. godini čine 80,69% ukupnih prihoda
- Prihodi iz Budžeta Federacije BiH koji se odnose na redovna sredstva transfera su drugi najvažniji izvor prihoda i čine 16,41% ukupnih prihoda. U toku 2020. godine iz Budžeta Federacije BiH doznačena su sredstva u visini planiranih za 2020. godinu
- Prihodi od doprinosa od ino osiguranika (paušali) ostvareni su u iznosu od 3.579.273 KM i veći su za 579.273 KM u odnosu na planirane za 2020. godinu zbog uplate R Slovenije i R Hrvatske, izvršene u decembru 2020. godine, po osnovu Konvencija o socijalnom osiguranju a što se nije moglo predvidjeti prilikom izrade Finansijskog plana za 2020. godinu. Ovi prihodi čine 1,95% ukupnih prihoda
- Prihodi od dodatnog doprinosa za detaširane radnike čine 0,36% ukupnih prihoda
- Prihodi ostvareni po osnovu donacija lijekova od strane dobavljača-isporučioca lijekova iskazani su u iznosu od 211.212 KM i čine 0,12% ukupnih prihoda, a isti se nisu mogli planirati prilikom izrade Finansijskog plana za 2020. godinu
- Ostali prihodi ostvareni su u iznosu od 865.013 KM i čine 0,47% ukupnih prihoda, a isti se nisu mogli planirati prilikom izrade Finansijskog plana za 2020. godinu.

5. Ukupni rashodi Federalnog zavoda u 2020. godini iznosili su 186.750.362 KM i manji su za 5% ili 9,9 mil. KM u odnosu na planirane za 2020. godinu, a u odnosu na izvršene u 2019. godini manji su za 3% ili 6,7 mil. KM.

Struktura rashoda Federalnog zavoda izvršenih u 2020. godini je slijedeća:

- Rashodi federalnog fonda solidarnosti čine 97,72% ukupnih rashoda Federalnog zavoda u okviru kojeg:
 - rashodi za zdravstvene usluge (u Federaciji BiH, troškovi zdravstvene zaštite detaširanih radnika i Program liječenja u inostranstvu) manji su za 6,4 mil. KM u odnosu na planirane za 2020. godinu, dok su u odnosu na izvršene za 2019. godinu manji za 11,6 mil. KM,
 - troškovi lijekova su manji za 3% ili 2,2 mil. KM u odnosu na planirane za 2020. godinu,
 - troškovi medicinskog materijala manji su za 4% ili 697.915 KM od planiranih za 2020. godinu, a u odnosu na izvršene za 2019. godinu veći su za 7% ili 1,1 mil. KM,
 - troškovi liječenja u inostranstvu manji su za 7% ili 1 mil. KM u odnosu na planirane za 2020. godinu, a u odnosu na izvršene za 2019. godinu manji su za 16% ili 2,4 mil. KM,
- Rashodi detaširanih radnika iskazani su u iznosu od 661.913 KM i čine 0,35% ukupnih rashoda,
- Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja je u visini planiranih za 2020. godinu, i čine 0,27% ukupnih rashoda
- Ostalih rashodi federalnog fonda solidarnosti i rashodi Stručne službe izvršeni su u iznosu od 3.092.249 KM i manji su za 437.751 KM u odnosu na planirane za 2020. godinu, a u odnosu na izvršene u 2019. godini veći su za 246.788 KM i čine 1,66% ukupnih rashoda.

Federalni zavod osiguranja i reosiguranja je po Godišnjem obračunu za 2020. godinu iskazao višak rashoda nad prihodima u iznosu od 3.400.392 KM.

Odlukama Upravnog odbora Federalnog zavoda uvrštena su u Rebalans finansijskog plana Federalnog zavoda za 2020. godinu sredstva viška prihoda nad rashodima iz ranijih perioda u ukupnom iznosu od 21.400.000 KM i na čiji teret je izvršeno pokriće viška rashoda nad prihodima po Godišnjem obračunu za 2020. godinu.

Neurošena sredstva akumuliranog viška prihoda nad rashodima u iznosu od 17.999.608 KM će se kroz Rebalans finansijskog plana za 2021. godinu rasporediti na programe federalnog fonda solidarnosti na osnovu odluke Upravnog odbora Federalnog zavoda.